



Notat

Til:

Hilde-Lill Våge

Frå:

Ragnhild Lønningdal

Kommunedelplan for akvakultur i sjø - status pr. 10. november 2022

Saknr/Journalnr

20/109/22/8852//RLØ

Arkivkode

FE-140

Dato:

10.11.2022

Kommunedelplan for akvakultur i sjø – status pr. 10. november 22

Høyringsfristen gjekk ut 26. august, men det vart gjeve utsett frist til Vestland FK og Fiskeridirektoratet. Uttalane frå desse kom inn høvesvis 23. og 16. september. Statsforvaltaren har i sin uttale bede om dialogmøte, og om me ikkje ynskjer dialog skal brevet tolkast som ei motsegn til planframlegget.

Det kom inn totalt 12 uttalar til planen. Desse er samanfatta av vår innleigde plankonsulent i vedlagt tabelloppsett, men me har ikkje gjort vurderingar av uttalane enda. Me har for tida ei vakant stilling i eining for teknisk forvaltning, og det er ei rekkje oppgåver som må stå på vent. Akvakulturplanen er ei av desse, sidan motsegna frå statsforvaltaren krev stor involvering frå tilsette i eininga, ikkje berre innleigd konsulenthjelp.

Me ynskjer gjerne at naturutvalet tek stilling til kven som skal vera med på eit slikt dialogmøte med statsforvaltaren, sidan det er naturutvalet som skal handsama dei endringane som kjem ut av dialogen. I tidlegare saker har naturutvalsleiar delteke på slike møte saman med administrasjonen og plankonsulent. Naturutvalet kan også be om at dette notatet vert teke opp som ei sak, og til dømes gjera vedtak om føringar for kva endringar me skal føreslå inn i dialogen med statsforvaltaren.

Grunngjeving for «motsegna» frå statsforvaltaren:

«Dette er fordi planforslaget etter Statsforvaltaren si oppfatning er vesentleg i strid med nasjonale og viktige regionale interesser på fleire område, m.a. knytt til (utgreiing av) miljøtilstanden og den samla belastninga i fjordbassenget, den negative påverknaden på anadrom laksefisk, gyteområde (m.a. torsk) og friluftslivsinteresser.»

Dei legg særleg vekt på at det ikkje er gjort grundige nok undersøkingar av heile Bjørnafjordbassenget eller den samla belastninga på dette.

«Kommunen har som planstyresmakt vurdert og teke stilling til konkrete berekraftsutfordringar og sett mål for forvaltninga av sjøområda. Statsforvaltaren meiner difor at planarbeidet eit stykke på veg kan styrka det planmessige grunnlaget for ei vidare berekraftig utvikling av akvakulturnæringa i kommunen, dersom kunnskapen vert nytta på rett måte. Det generelle inntrykket er elles at kommunen har hatt ei god målsetjing for planarbeidet og at det er gjort relevante og grundige

vurderingar av lokale konsekvensar/verknader, men at samla belastning ikkje er tilstrekkeleg vurdert. Det har òg vore god dialog med næringa undervegs.

Framlegget til KDP akvakultur legg opp til å vidareføre tal lokalitetar, men tek ut to lokalitetar og legg i staden inn to nye lokalitetar. Dei to lokalitetane som vidareførast skal dessutan utvidast.

Statsforvaltaren er positiv til kommunen sitt utgangspunkt for planarbeidet, dvs. at tolegrensa til fjordsystemet og naturmangfaldet ikkje skal overskridast. Det er òg positivt at kommunen fjernar to av dei innte lokalitetane i Samnangerfjorden.

Likevel har vi problem med å forstå korleis ein med det kunnskapsgrunnlaget planforslaget byggjer på kan leggje opp til å

- a) meir enn doble areala sett av til akvakulturføremål i høve til dagens situasjon, og
- b) leggje inn to nye lokalitetar

Statsforvaltaren kan ikkje sjå at det er rom for utvida areal/aktivitet grunna dårlege oksygentilhøve i denne delen av Bjørnafjordbassenget, dårleg miljøtilstand ved produksjon, allereie dårleg tilstand på fjordbotnen med omsyn til kopar, og auka risiko for dødelegheit for laks og sjøaure som nyttar fjorden til vandrings- og beiteområde. Planforslaget legg slik vi ser det, opp til ei utvikling som ikkje er berekraftig. Sjølv om ein legg opp til å stille miljøkrav til dei to nye lokalitetane, vil det likevel kunne medføre utslepp om enn i noko mindre grad enn dersom ein ikkje stiller miljøkrav. Per i dag finst ikkje teknologi som sikrar nullutslepp, Tilsvarende må ein òg rekne med auka utslepp frå dei to eksisterande lokalitetane dersom areala/drifta vert utvida.»

Vedlegg:

Merknadsskjema utan kommentarar KDP Akvakultur 04.10.2022

Saksframlegg med vedtak.pdf

Fråsegn til kommunedelplan for akvakultur i Samnanger kommune - Vestland fylke

Forslag til kommunedelplan for akvakultur i sjø Samnanger kommune - uttale

Uttale frå Bjørnafjorden kommune til kommunedelplan for akvakultur i sjø for Samnanger kommune

Uttale NJFF plan akvakultur Samnanger

Samnanger – kommunedelplan for akvakultur i sjø – uttale

Uttale akvakulturplan

Høringsinnspill akvakultur Samnanger august 2022

Høringsinnspill til kommuneplan for akvakultur i sjø.

Fråsegn - Samnanger - kommunedelplan for akvakultur i sjø

NVE si fråsegn - Offentleg ettersyn - Kommunedelplan for akvakultur i sjø - Samnanger kommune

Høyringsuttale Kommunedelplan for akvakultur i sjø 2022